

金鑑編輯幼科雜病痘疹心法

13

發熱積滯癖疾汗痧失血襍症
晚胎龜胸
五硬五遲鶴膝解顛顛陷顛填中惡痘痧

痘

袖篋醫宗金鑑卷三十一
編輯運氣要訣目錄

太虛圖

陰陽圖

太虛理氣天地陰陽圖

五行圖

五行生尅制化圖

五行質氣生尅制化圖

五運合臟腑十二經絡圖

六氣合臟腑十二經絡圖

運氣合臟腑十二經絡圖

主運圖

主運圖

主氣圖

主氣圖

客運圖

客運圖

客氣司天在泉間氣圖

客氣司天在泉間氣

五運節令圖

六氣節令圖

運氣分主節令歌

五音太少相生圖

五音主客太少相生歌

五運齊化兼化圖

六氣正化對化圖

五運齊化兼化六氣正化對化歌

六十年運氣上下相臨圖

六十年運氣上下相臨圖

指掌圖

起主客定位指掌圖

天符圖

歲會圖

同天符同歲會圖

天符太乙天符歲會同天符同歲會圖

執法行令貴人圖

南北政圖

南政年祗不應圖

北政年祗不應圖

南北政年祗不應圖

五運氣合微甚圖

五運平氣太過不及圖

運氣所至先後時圖

運氣亢害承制圖

六氣勝復圖

五行鬱極乃發譌

天時地化五病二火譌

五星所見太過不及譌

五行德政令化災變譌

五行地化蟲畜穀果有太過不及齊兼化譌

運氣爲病譌

五運客運太過爲病譌

六氣客氣主病譌

運氣當審常變譌

發熱門

諸熱總括○小兒有病多發熱表裡虛實宜分別觀形察色辨因由審證切脈有妙訣表證須汗裏下之虛則宜補實則為平昔體認要精詳

方得臨時無遺闕註小兒發熱有表裡虛實之異治亦有汗下補瀉之殊須觀形察色審證切脈以別之惟在平昔講習精詳臨證庶不致誤

表熱○表熱之證因外感脈浮發熱惡風寒頭痛身疼而無汗十神通聖表為先註小兒外感寒邪脈浮發熱惡風寒頭痛身疼無汗此表

熱也宜十神湯主之若兼內熱者雙解通聖湯兩解之

十神湯 升麻 葛根 麻黃 香附炒 陳皮 蘇葉 赤芍藥 川芎 香白芷 甘草生

引用生薑水煎服 十神湯治表熱證

升麻乾葛共麻黃香附陳皮蘇葉芍藥甘草引生薑

雙解通聖湯方見傷寒

裏熱○裏熱之證因內熱偏身蒸熱小便便紅面赤唇焦舌燥渴調胃白虎解毒清註小兒肥甘過度必生內熱以致發熱蒸蒸小便赤澀面赤

唇焦舌燥而渴脈實有力者先以調胃承氣湯下之不愈用白虎湯或黃連解毒湯清之

調胃承氣湯 大黃 芒硝 甘草 引生薑水煎服方調胃承氣治裏熱大黃甘草共芒硝引用生薑水煎服大便通利熱自消

白虎湯 石膏煨 知母 生甘草 粳米 水煎服方黃連解毒湯清熱效非常

黃連解毒湯 黃芩 黃連 梔子 黃蘗 水煎服方黃連解毒湯清熱效非常

虛熱○虛熱病後陰虛神倦氣乏用補中嘔渴竹葉石膏治面赤尿白厥白通註虛熱者因小兒病後氣血虛弱禁衛尚未調勻之故其證

神倦氣乏宜用補中益氣湯治之若兼口渴引飲而嘔者宜用竹葉石膏湯治之又有陰盛格陽外浮發熱者其面色雖赤然小便必清白四

肢必厥逆宜用白通湯收斂陽氣熱退自愈

補中益氣湯方見陰泄

竹葉石膏湯 竹葉 石膏煨 人參 麥冬去心 甘草生 半夏製 粳米 引用生薑水煎服

白通湯 乾薑 附子製 蔥 水煎服方虛熱原於陰格陽真寒假熱白通湯散寒薑附蔥白並厥回熱退自然康

實熱○實熱積熱干潮熱腹脹尿紅大便難煩渴口瘡腮頰赤涼膈大藥致通仙註小兒有餘積熱以致午後潮熱蒸蒸有汗肚腹脹滿小便

實熱○實熱積熱干潮熱腹脹尿紅大便難煩渴口瘡腮頰赤涼膈大藥致通仙註小兒有餘積熱以致午後潮熱蒸蒸有汗肚腹脹滿小便

實熱○實熱積熱干潮熱腹脹尿紅大便難煩渴口瘡腮頰赤涼膈大藥致通仙註小兒有餘積熱以致午後潮熱蒸蒸有汗肚腹脹滿小便

大柴胡湯方見傷寒

積滯門

積滯總括○小兒養生食與乳搏節失宜積滯成停乳傷食宜分斷因證調治保安寧夫乳與食小兒資以養生者也胃主納受脾主運化

乳貴有時食貴有節可免積滯之患若父母過愛乳食無度則宿滯不消而病成矣醫者當別其停乳傷食之異臨證斟酌而施治焉

乳滯○嬰兒乳滯睡不安多啼口熱吐驚煩肚脹腹熱便酸臭煩攻宜用消乳丸註乳滯之兒其候睡臥不寧不時啼叫口中氣熱煩吐乳片

肚脹腹熱大便酸臭也但臟腑嬌嫩不可過攻惟宜調和脾胃為上以消乳丸消導之○消乳丸方見傷乳吐

食滯○小兒食滯任意餐飽溫腹熱便酸臭惡食煩作渴大便秘氣審宜先註小兒恣意肥甘生冷不能運化則腸胃積滯矣其證頭溫

腹熱大便酸臭愛氣惡食煩不安眠口乾作渴滯輕者宜木香大安丸消導滯重便秘者宜小承氣湯攻下之

木香大安丸 木香 黃連 陳皮 白朮 枳實 山楂肉 各三錢 連翹 二錢 神麴 炒 麥芽 各三錢 砂仁 萊菔子 各二錢 右為

細末神麴糊為丸每服一錢陳倉米湯下 ○小承氣湯方見食痛

癖疾門

癖疾總括○癖疾過食腸胃滿濁液外溢被寒凝潮熱飲冷肌削瘦腹滿硬塊面黃青註癖疾一證皆因飲食過節腸胃填滿濁汁外溢復感

寒氣凝結而成每生於左脇之下始如雞卵堅硬成塊漸如覆盆之形越臍則難治矣其候身體潮熱喜飲凉水肌膚削瘦面色青黃也治者

宜詳察之

癖疾潮熱○癖疾潮熱渴飲冷肚大青筋堅硬內服消癖木香散外貼紅花膏最靈註癖疾之始作也午後潮熱口渴渴飲冷肚大青筋漸至

堅硬成塊不時作痛內以千金消癖丸治之外貼紅花膏內外兼治其癖自消若無熱渴者先以木香丸治之外亦以紅花膏貼之

千金消癖丸 蘆薈 阿魏 各二錢 青黛 木香 厚朴 各一錢 檳榔 陳皮 甘草 各一錢 史君子 去殼 胡黃連 山查肉 香附 各一錢 右為細末將阿魏一錢白水和麴打糊

三棱 炒 莪朮 各二錢 水紅花子 神麴 炒 麥芽 各四錢 人參 白朮 土炒 茯苓 各三錢 右為細末將阿魏一錢白水和麴打糊

為丸菜豆大米飲下量兒大小服之

木香丸 木香 蓬莪朮 縮砂仁 青皮 硃砂 各二錢 右為細末和勻飛白麴糊和丸麻子大每服二三丸乳傷乳飲下食傷以所傷

物熬湯下

紅花膏 沒藥 五錢 血竭 麝香 阿魏 各三錢 當歸 赤芍 各一錢 水紅花料一捆煎汁去渣熬膏一磅 右為細末入膏內攪勻以青布攤貼患處

汗證總括○自汗屬陽有虛實或因胃熱或表虛睡中盜汗為陰弱心虛血熱隨證醫註汗乃人之津液存於陽者為津存於陰者為液發洩

於外者為汗若汗無故而出者乃因陰陽偏勝也如小兒無因而汗自出者謂之自汗自汗屬陽虛有虛汗之別虛者汗出氣弱發熱惡寒乃虛也汗出蒸蒸發熱不惡寒乃裏熱也表虛者法當固表裡實者法當攻熱又有睡則汗出覺則汗止謂之盜汗盜汗主陰虛然當分心虛不固心火傷陰也心虛當補心心熱當涼血治者宜詳辨之庶無差謬

玉屏風散
黃耆^炙 防風 白朮^炒 水煎服
素氣虛弱時自汗玉屏風治頗相宜黃耆防風炒白朮水煎溫服不拘時

白虎湯 方見裏熱 ○調胃承氣湯 方見裏熱

盜汗○心虛盜汗睡多驚酸棗仁湯服即寧心火傷陰必煩熱當歸六黃湯奏功 註盜汗有二虛實兩分心虛者陰氣不斂也睡則多驚以酸

秉仁湯主之心熱者大傷於陰也身多煩熱以當歸六黃湯主之

酸棗仁湯 當歸 白芍炒 生地 茯苓 酸棗仁炒 知母炒 黃蘗炒 五味子 人參 黃耆炙 水煎服
方歌 酸棗仁湯治盜汗

陽不能藏陰本虛歸与生地茯苓藥五味共參者

當歸六黃湯 當歸 生地黃 熟地黃 黃芩 黃蘗 黃連 黃耆 炙 引用浮麥水煎服 歌方 當歸一黃治盜汗陽盛傷陰液自流生

熟二地苓連蘗歸耆浮麥汗能收

失血門

失血總括○陰乘陽熱血妄行血犯氣分不歸經血病及腑參濁道傷於藏者溢出清熱犯陽絡上吐血熱侵陰絡下失紅又有勞傷成血病

血止仍嗽勢多凶註凡失血之證陽盛乘陰則血為熱迫不能安於脈中犯於氣分妄行不能歸入經脈也若血病傷及於腑者則血滲入腸

胃之濁道上行於咽出而為吐為嘔下從二便而出為便為溺也若血病傷及於藏者則溢出於胸中之清道上從喉出而黃咳嗽下從精竅

而出為溺血也夫血藏於臟內行於脈中流於軀殼之內不可得而見也非損傷不能為病而損之之因有三一曰熱傷陽絡腦病也熱傷陰

絡藏病也宜以清熱為主一曰勞傷宜以破逐為主一曰勞傷宜以理損為主若日久血止而咳嗽不休者主必死之證故勢多凶也

衄血○衄血之候鼻乾燥身熱不渴苦頭疼失表分汗麻桂治內熱犀角瀉心清註衄血者鼻中出血也其候鼻中乾燥身熱不渴苦頭疼是

熱傷陽絡也有因傷寒失汗衄血者乃熱鬱於榮其身無汗宜以麻黃湯汗之身有汗者宜以桂枝湯解之設無表病因內熱而衄者宜以犀

角地黃湯清之熱盛者四物三黃瀉心湯瀉之外俱用髮灰散或黑梳子末吹鼻其翳自止

麻黃湯
麻黃
杏仁炒去
皮尖
桂枝
甘草生
引用生姜水煎服
方傷寒失表榮鬱熱身體無汗血妄行須用麻黃湯調治桂枝麻黃各

草同 ○桂枝湯 方見自汗

犀角地黃湯 牡丹皮 白芍藥 犀角 生地黃 水煎服 便硬者加川大黃 方犀角地黃湯治衄效非常丹皮芍藥地便秘加大黃

四物三黃瀉心湯 川芎 當歸 生地黃 赤芍藥 黃芩 黃連 川大黃 水煎服 方四物三黃瀉心湯熱盛吐衄功最良

歸生地赤芍藥黃芩黃連川大黃

髮灰散 取壯實人頭髮陰陽瓦煨成灰放在地上去火性研細末吹入鼻中血衄自止

吐血○吐血不咳因熱逆若兼咳嗽勞傷內熱犀角地黃湯治勞傷承氣四物當勞傷有熱難蘇散無熱須用救肺良方小兒吐血不咳嗽者

多因內熱致血妄行上逆也宜以犀角地黃湯主之若因勞傷吐血者兼咳嗽先用桃仁承氣湯以破逐之次用加味四物湯和之又有勞傷

吐血者亦兼咳嗽痰中帶血有熱者難蘇散主之無熱者救肺散主之 ○犀角地黃湯 方見本門衄血

桃仁承氣湯 桃仁 芒消 甘草 桂枝 加當歸芍藥蘇木紅花 水煎服 方勞傷吐血先破逐桃仁承氣湯妙絕桃仁

黃硝草桂枝加入歸芍蘇紅花

加味四物湯 當歸 芍藥 川芎 生地黃 茅根 蒲黃 牡丹皮 梔子 甘草 生 引用藕節酒水煎服 方勞傷吐血須活血

四物為主真妙訣再加茅根與蒲黃丹皮梔子藕節

難蘇散 難蘇薄荷葉 川貝母 麥門冬 桔梗 阿膠 生地黃 甘草 黃耆 白茅根 蒲黃 水煎服 方勞

傷有熱嗽痰血難蘇貝母麥門冬桔梗阿膠生地草黃者茅根蒲黃同

加味救肺散 麥冬 人參 黃耆 鬱金 五味子 當歸 白芍藥 川貝母 甘草 馬兜鈴 水煎服 方勞傷

無熱嗽痰血加味救肺麥門冬參耆鬱金五味子歸芍貝母草兜鈴

便血○熱傷陰絡便血藏毒血黯腸風紅須辨腹痛肛腫痛熱盛濕盛要分明藏毒初起腫痛甚大黃皂刺消停熱盛俱宜槐花散濕盛

平胃地榆靈日久脈微氣血弱升陽和血共養榮大便秘下血皆因小兒恣食肥甘致生內熱傷陰絡之若血色黯而濁肛門腫痛先血後糞

此為近血名曰藏毒若血鮮而清腹中不痛先糞後血此為遠血名曰腸風藏毒肛門每多腫痛初起宜用皂刺大黃湯消之次下血後熱盛

微痛者以槐花散和之濕盛不痛者以平胃地榆湯和之腸風亦宜以槐花散主之便血日久脈微氣血弱者升陽和血湯和之繼以人參養

榮湯補之

皂刺大黃湯 皂刺 生川大黃 量小兒年歲大小虛實酌其多少水酒煎服

槐花散 槐花 側柏葉 枳殼 川黃連 荆芥穗 水煎服 臘毒加蒼朮苦棟 腸風加秦艽防風 方臘毒腸風槐花散

黃連枳殼槐柏荆臘毒蒼朮苦棟入腸風須加羌防風

平胃地榆湯 蒼朮炒 陳皮 厚朴姜炒 甘草 地榆 引用生薑水煎服 方便血濕盛腹不痛須用平胃地榆湯蒼朮陳皮厚朴草

地榆同煎引生薑

升陽和血湯 黃耆炙 當歸酒洗 白芍炒 牡丹皮 陳皮 肉桂 秦艽 生地黃 熟地黃 生甘草 炙甘草 蒼朮炒 升麻

水煎服 方下血日久腹中痛治宜升陽和血湯二地三草耆歸芍陳丹秦艽升桂蒼

人參養榮湯 人參 黃耆炙 白朮土炒 白茯苓 白芍藥炒 肉桂 熟地黃 當歸酒洗 甘草炙 陳皮 引用薑棗水煎服 方失

血日久氣血虛人參養榮湯頗宜參耆朮苓白芍桂地黃當歸草陳皮

溺血○溺血多緣精竅病尿血分出莖或尿牛膝四物湯調治急宜煎服效從容 溺血為精竅之病乃尿與血先後分出者也宜用牛膝四

物湯治之其證自愈

牛膝四物湯 牛膝 木通 鬱金 甘草梢 瞿麥 當歸 川芎 生地 赤芍藥 水煎服 方小兒溺血精竅病宜用牛膝四物湯

牛膝鬱金通瞿麥歸芍生地黃

雜證門

二便秘結○小兒熱結二便秘口渴舌乾唇面紅八正尿秘少腹滿神芍便秘腹脹疼 此證多因乳食停滯生熱結於腸胃以致二便秘結

其候舌乾口渴面赤唇焦也熱積則小便秘瀉少腹滿急宜八正散主之若食積大便秘腹脹痛者宜神芍丸王之

八正散方見小便便

神芍丸 尖黃 滑石各一兩 薄荷 川芎各四錢 黃芩 黃連各五錢 牽牛四錢 共為細末滴水為丸每服五丸蜜湯送下

氣虛脫肛○瀉痢日久中氣陷肛鬆腸薄滑而脫面色青黃指稍冷脈來沉細唇淡白補中益氣湯升舉真人養藏固滑脫外用溫腸散調

數氣升肛溫腸自合 註脫肛一證因瀉痢日久中氣下陷腸胃薄滑遂令肛門滑脫不收現證面色青黃指稍冷脈沉細唇色淡白宜溫補

為主先以補中益氣湯升提其氣再以真人養藏湯溫補固滑外以溫腸散擦之則氣升肛溫而腸自收矣

○補中益氣湯方見食瀉 ○真人養藏湯方見寒痢

溫腸散 訶子 赤石脂 龍骨各等分 右為細末用臘茶調敷和藥摻腸頭上綿帛揉入

肛腫翻肛○積熱肛腫大便難努力肛出翻不還外用蟠龍散消腫內宜皂刺大黃煎 註小兒積熱太盛以致肛門作腫大便艱難努力翻出

肛脫不還外用蟠龍散消其腫內服皂刺大黃湯其腫一消肛自收矣○皂刺大黃湯 方見便血

曹氏蟠龍散 乾地蟠龍去土焙 風化朴硝錢二 右對研為細末仍和勻朴硝每以二錢至三錢肛門濕潤者乾薑乾燥者用清油調塗先

用刺芥生葱煎水候溫洗浴輕與拭乾然後敷藥

龜胸○肺積痰熱病龜胸胸骨高聳若通形氣急喘咳體羸瘦氣百合酌量行
風熱相搏以致肺經脹滿攻於胸膈高如覆杯現證咳嗽喘急身體羸瘦治宜清肺化痰為主先以寬氣飲開其氣道再以百合丹除其壅滯
肺熱清而脹滿自除矣

寬氣飲 杏仁^{去皮} 桑白皮^炒 橘紅 蘇子^炒 枳殼^{熟炒} 枇杷葉^{蜜炙} 麥門冬^心 生甘草 苦葶藶 水煎服 方寬氣飲

治兒龜胸杏仁桑皮合橘紅蘇子枳殼枇杷葉甘草葶藶麥門冬

百合丹 百合 天門冬 杏仁^{皮去} 木通 桑白皮^炒 甜葶藶 石膏^{各五錢} 大黃^{三錢} 共為細末煉蜜丸如菜豆大量兒大小服之

臨臥滾白水送下

龜背○龜背坐早被風吹偃背高狀如龜內服松蘿丹緩治外用灸法點龜尿^註龜背者因嬰兒坐早被客風吹入脊脊遂致偃背曲折背

高如龜往往為終身痼疾內以松蘿丹調治之外用聖惠灸法灸肺俞心俞膈俞三穴三五壯或以龜尿點骨節上亦可得效

松蘿丹 松花 枳殼^{熟炒} 防風 獨活^{各一兩} 麻黃 前胡 川大黃^生 桂心^{各五錢} 右為細末煉蜜丸如黍米大每服十丸粥飲送下

五軟○五軟稟賦不足證頭項手足口肉肌地黃丸與扶元散全在後天調養宜^註五軟者謂頭項軟手軟足軟口軟肌肉軟是也頭軟者項

軟無力也手足軟者四肢無力也肉軟者皮寬不長肌肉也口軟者唇薄無力也此五者皆因稟賦不足氣血不充故骨脆不強筋肉痿弱治

宜補氣為主先以補腎地黃丸補其先天精氣再以扶元散補其後天羸弱漸次調理而五軟自強矣

補腎地黃丸 熟地黃^{五錢} 山萸肉^{一兩} 懷山藥^炒 茯苓^{各八錢} 牡丹皮 澤瀉^{各五錢} 牛膝^{八錢} 鹿茸^{五錢} 右為細末煉蜜丸如

梧桐子大每服二錢用鹽湯送下

扶元散 人參 白朮^{土炒} 茯苓 熟地黃 茯神 黃耆^{蜜炙} 山藥^炒 炙甘草 當歸 白芍藥 川芎 石菖蒲 引用姜棗水

煎服 方五軟扶元散堪嘗參苓茯苓熟地黃茯神黃耆山藥草歸芍川芎及石菖

五君○陽氣不榮成五軟仰頭取氣難搖動手足強直冷如水氣壅胸膈牽連痛小續命湯最為良烏藥順氣散極應若遇肝木乘脾經加味

六君妙無竟^註五軟者仰頭取氣難以搖動氣壅疼痛連胸膈間手心足心冰冷而鞭皆由陽氣不榮於四末最為難治重者以小續命湯疎

其風輕者以烏藥順氣散調其氣若肝木乘脾食少氣弱者加味六君子湯治之內外交治而證自日瘳矣

小續命湯 人參 麻黃 川芎 黃芩 芍藥 甘草^炙 防風 官桂^{去皮} 附子^{泡去} 杏仁^{皮去} 漢防己 引用姜棗水煎服

方小續命湯治五軟人參麻黃川芎黃芩芍藥草防風官桂附子防己否

烏藥順氣散 麻黃 白芷 川芎 桔梗 枳殼^炒 殭蠶^炒 烏藥 炮薑 甘草^生 橘紅 引用葱白水煎服 方烏藥順氣五軟

輕麻黃白芷合川芎桔梗枳殼殭蠶炒烏藥炮薑甘草橘紅

加味六君子湯 人參 白朮 炮薑 陳皮 半夏 茯苓 炙甘草 升麻 柴胡 肉桂 水煎服 方加味六君子虛五鞭人

參白朮共炮姜陳半茯苓炙甘草升麻柴胡肉桂良

五運○小兒稟來氣血虛筋骨軟弱步難移牙齒不生髮疎薄身坐不穩語言遲加味地黃為主治補中益氣繼相醫邪乘心氣當補好血虛
髮遲莖勝宜註小兒五運之證多因父母氣血虛弱先天有虧致兒生下筋骨軟弱行步艱難齒不速長坐不能穩步皆腎氣不足之故先用
加味地黃凡滋養其血再以補中益氣湯調養其氣又足少陰為腎之經其華在髮若少陰之血氣不足即不能上榮於髮莖勝丹主之
驚邪乘入心氣至四五歲尚不能言者當補丸主之

加味六味地黃丸 熟地黃 山萸肉 懷山藥 茯苓 澤瀉 牡丹皮 鹿茸 五加皮 麝香

共為細末煉蜜丸如梧桐子大大兒每服二錢小兒一錢五分溫湯送下

補中益氣湯 方見後

莖勝丹 當歸 生地黃 白芍藥 胡粉 石同研勻煉蜜為丸如黍米大每服十粒煎黑豆湯下

莖勝丸 人參 石菖蒲 麥門冬 遠志 川芎 當歸 乳香 硃砂 右為細末煉白蜜為丸如黍米大食後用米湯

送下

鶴膝風○小兒稟賦不充盈肌血削瘦少峰嶸膝骨外露如鶴膝多緣腎弱髓難生血脈不榮筋學縮膝時風涎時作痠大防風湯宜先服地
黃繼進豆從谷註小兒鶴膝風多因稟賦不足血氣不榮肌肉削瘦透致骨節外露筋學縮膝漸細小而膝蓋愈大要皆腎虛不能生精髓
之故也須先服大防風湯繼以補腎地黃丸治之庶氣血充而證自愈矣

大防風湯 人參 白朮 茯苓 甘草 熟地黃 當歸身 白芍藥 川芎 黃耆 羌活 防風 附子 杜仲

牛膝 引用姜東水煎服 方大防風湯八珍者羌防附子杜仲移榮筋更有川牛膝虛風鶴膝最相宜○補腎地黃丸 方見五鞭

解顛○小兒解顛最堪憐先天有損腦髓乾面色晄白形瘦弱二目多白若愁煩補腎地黃丸堪服補陽扶元散為先更有封顛散極效臨時

難貼保安煎註解顛者乃顛大骨縫不合也蓋腎生髓腦為髓海腎氣有虧腦髓不足亦如花木無根現證面色晄白形體瘦弱目多白睛悲

愁少笑治宜補養腎氣為主先以補腎地黃丸滋補且陰再以扶元散補養其氣外用封顛散攤貼之則精血稍充或可轉危為安也

○補腎地黃丸 ○扶元散 俱見五鞭

封顛散 柏子仁 防風 天南星 右為細末每用一錢以豬膽汁調勻攤在緋絹帛上看顛之大小剪貼一日一換不得令乾時時

以湯潤動 小兒家可頓下臨瀉久脾虧虛弱見面目青黃四肢涼六脈沉緩神慘淡補中益氣湯最宜固真湯進有奇驗外用烏附膏攤貼溫中

理脾功無限註小兒藏府有熱渴飲水漿致成瀉痢久則脾氣虛寒不能上充腦髓故顛陷成坑名曰顛陷證面目青黃四肢逆冷六脈沉緩神氣慘淡先以補中益氣湯升提其氣再以固真湯溫補其脾外用烏附膏攤貼於陷處極效

補中益氣湯方見卷四○固真湯方見慢脾風

烏附膏雄黃二錢 川烏附子各五錢右為細末用生葱和根葉細切杵爛入前藥末同煎作成膏每早空心貼陷處

顛陷○顛門腫起氣上衝其間虛實要分明毛髮憔悴頻頻汗胸高氣促口唇紅肝盛瀉青丸最效理熱連翹飲堪行因表防風升麻劑輕冷

屬陰用理中豆豉填者謂顛門腫起也蓋因乳哺無度或寒或熱乘於脾經致使藏府不調其氣上衝為之煩脹腫突現證毛髮憔悴頻頻出

汗胸高氣促口唇色紅須分虛實治之肝氣盛者瀉青丸主之裏熱盛者大連翹飲主之因表者防風升麻湯主之堅硬不熱者屬陰理中湯

主之○瀉青丸方見急驚風

大連翹飲 柴胡 荆芥 連翹去心 木通 滑石飛 梔子 蟬退去翅 瞿麥 當歸酒洗 赤芍藥 黃芩 甘草生 防風 水煎服

方連翹飲治熱上衝柴胡荆芥翹木通滑石梔子蟬退瞿麥歸芍黃芩甘草防風

防風升麻湯 麥冬去心 木通 甘草節 山梔 升麻 防風 引用淡竹葉水煎服 方防風升麻湯顛陷致非常麥冬木通草山梔升

麻防 ○理中湯方見不乳

中惡○小兒神氣未充實觸惡何能自主持目閉面青驚悶亂蘇合皂角功効奇註小兒神氣未充一為邪惡所觸何能主持自然神魂離舍

目閉面青悶亂不省人事內以蘇合香丸除其邪外以皂角末開通其閉嚙出則氣通而甦矣○蘇合香丸方見肚門內合

卷五十六

編輯痘疹心法要訣

痘原○上古無痘性溫樸中古有痘情欲恣痘稟胎元出不再毒之深淺重輕識天瘡之名因天稟瘡形如豆痘名居塞北不出寒勝熱毒發

自必待天時註上古之人無出痘者天性溫樸也中古之人有出痘者情欲漸熾也古人謂痘稟胎毒此定論也惟稟於胎元故一出不再出

也毒有淺深故出有輕重也名為天瘡者因毒稟於先天也名為痘瘡者因瘡形如豆也其毒伏於形中而塞北不出者以其氣多寒涼鮮邪

陽火旺之氣以觸發其毒故伏藏於內而不出也中土之人必出者以其氣多溫熱一觸邪陽火旺之氣毒隨內發而即出也此皆醫所當識

者也

出痘形證○欲識小兒出痘形類是傷寒發熱驚氣粗眼眼中指冷耳尻不熱耳筋紅註痘證初起見證大抵與傷寒相似其候身體發熱不

時驚悸口鼻氣粗兩眼發睜惟中指獨冷耳尻不熱耳後有紅筋皆為出痘之形證也

痘出五藏形證○痘出五藏主證形呵欠頓悶是肝經肺證欬痰嘔涕心證驚煩面赤紅脾證喜睡肢熱利耳尻俱涼是腎微肝泡肺膿心

痘出五藏形證○痘出五藏主證形呵欠頓悶是肝經肺證欬痰嘔涕心證驚煩面赤紅脾證喜睡肢熱利耳尻俱涼是腎微肝泡肺膿心

赤小脾大黃淺腎黑形痘瘡之毒伏於五臟故內出何藏外即應之如何欠頓闕此痘出肝經證也咳嗽有痰噴嚏涕此痘出肺經證也驚悸煩燥面色紅赤此痘出心經證也喜睡自利四肢發熱此痘出脾經證也惟腎經但見耳尻發涼者是火不能勝水也肝痘之形為水泡其色青而小肺痘之形為膿泡其色白而大心痘之形其色赤而小脾痘之形其色黃淺而大至於腎經不宜有證若水不勝火痘色黑者非吉兆也

痘主部位○額心額腎鼻脾部左頰肝位右肺方周身分主面屬胃頭背膀胱腰腎腰心肺胸膈肝膽腸腹肢屬脾大小腸色絡之絡聯藏府三焦之氣應無方痘小兒出痘自頭面以及周身各有藏府所屬部位治者須詳察部位以定吉凶如額先見點者是毒發於心也額先見點者毒發於腎也左頰先見點者毒發於肝也右頰先見點者毒發於肺也鼻先見點者毒發於脾也面屬胃經部位也頭背屬膀胱經部位也腰屬腎經部位也胸膈屬心肺二經部位也脇旁屬肝膽二經部位也肚腹四肢屬脾大小腸三經部位也至於色絡乃周身脂膜之絡聯屬百骸藏府者也三焦為周身水精之氣充滿軀殼藏府者也凡周身發痘俱從此出故無一定部位也

痘形順逆○痘形見點喜尖圓惡隱蛇連癰粟蠶起脹漸綻先肥順頂平不突板實難生聚斂成形完固軟嫩皮薄瘡塌纏結如螺先後落最忌懸薄潰爛粘痘形氣之為也氣勝毒則毒為氣敗其毒解矣故順也毒勝氣則氣為毒蝕其氣竭矣故逆也氣毒相平則勢界於險惟在醫者調治得宜使險變順也如始出之形頂尖而根圓此氣勝毒為順也若隱如蚊咬或如熱沸寒粟蠶種此毒勝氣為逆也起脹之形漸綻充肥此氣勝毒為順也若頂平不突板實不綻此毒勝氣為逆也成漿之形根紅斂束痘殼完固此氣勝毒為順也若殼軟皮薄則必軟塌此毒勝氣為逆也結痂之形痂如螺殼先結先落後結後落此氣勝毒為順也若痂薄如殼潰爛粘聚此毒勝氣為逆也此痘形順逆之大畧也

痘色順逆○痘色桃花漸紅紅淡白枯紫晦多山起脹頂白根紅潤頂反根散或深紅生漿由白而黃厚最忌反乾與潰潰腐屬毒甚惡白痘喜紅滿惡白平痘色血為之也血勝毒則毒為血戰其毒化矣故順也毒勝血則血為毒滯其血涸矣故逆也血毒相平則勢界於險亦在醫者之調治得宜也始出之色如桃花而漸加滋潤此血勝毒為順也若初出即淡白乾紫晦而不亮此毒勝血為逆也起脹之色頂漸放白根紅光潤此血勝毒為順也若頂色灰滯根血散漫或地脚深紅此毒勝血為逆也生漿之色白而漸黃蒼而瀉厚此血勝毒為順也若灰乾不潤或漿薄清稀此毒勝血為逆也結痂之色蒼如粟殼此血勝毒為順也若痂色黧白此毒勝血為逆也痘痕之色紅潤凸起為順若淡白黑紫平凹無突起之狀皆為不順之色醫者詳之

痘證老嫩○蒼浮嬌艷老嫩色實厚浮虛老嫩形濃濁稀清漿老嫩厚薄痂之老嫩明証痘之一證自始至終喜老惡嫩如蒼浮嬌艷此色之老嫩也肥實浮虛此形之老嫩也濃濁稀清此漿之老嫩也薄軟厚堅此痂之老嫩也總之老者多順易於成功嫩者多險逆難於施治也痘證疎密○頭項胸背痘疎者手足雖密不為凶疎兼陽熱煩防變密若磊落不必驚頭面清陽元首頸項管喉咽喉背乃藏府所附惟稀疏則吉也至於手足無甚關係雖多不為凶也疎固是順若見陽證謬妄大渴大熱唇舌燥裂煩躁不寧大小便秘等證此毒壅遏不出雖

疎未為吉也密固是逆若鋪排磊落大小勻淨精神寢食二便如常雖密亦不須驚也

辨形神聲氣飲食之虛實○軀之肥瘦形衰盛聲之粗細氣虛實目睛不睇神強弱胃氣虛實食不食欲治症者先看兒體之肥瘦體肥者

形盛可知也體瘦者形衰可知也次聽聲氣之粗細聲粗者聲音雄粗此盛實也聲細者聲音微細此氣虛也再觀其目中之神睛暗精彩者

此神強也目不睇不精彩者此神弱也更問其飲食能否飲食如常者胃氣實也不能飲食者胃氣虛也此辨形神聲氣飲食之虛實也

辨氣血虛實證○氣虛頂陷多軟薄氣過盛也泡者發水泡也少漿膿者不能生漿也謂氣若過盛則發水泡而漿不能生也如痘色淡紅以手摸過隨

軟薄者此氣虛也氣過者氣過盛也泡者發水泡也少漿膿者不能生漿也謂氣若過盛則發水泡而漿不能生也如痘色淡紅以手摸過隨

即轉白者此血虛也血過者血過盛也痲者地界有痲暈也紫黑凝者謂毒盛則色黑紫凝滯也此就痘痲形色以辨氣血之虛實也

辨表證虛實○發熱惡寒身痛表有汗為虛無汗實實隱稠密灰紅滯血平塌爛水浸濕症出有發熱惡寒身體疼痛者屬表證也若有汗

則為表虛無汗則為表實表實開塞痘毒隱伏難出也稠密者痘出稠密也灰者痘色灰白也紅者痘色紅赤也帶者謂痘稠密不論灰紅若

帶滯暗者皆表毒盛也若表虛之證則痘平不起塌痲無漿也爛者痘潰爛也水浸濕者痘膿水浸漬濕而不乾也此辨表證之虛實也

辨裏證虛實○發熱惡熱痲痛裡便秘為實下利虛實則板實根緊痲虛則倒陷痲收遲症出發熱惡寒者表證也不惡寒惡熱者裏證也

痲者不大便而痲也痛者肚腹作痛也此皆屬裏熱之證若便秘則為裏實下利則為裡虛板實者痘膿板實不活動也根緊痲者根脚緊束

堅難不鬆皆裏實證也倒陷者痘已出復陷入於內也倒陷者正痘灌漿即收靨也收遲者痘已灌漿日久不靨皆裡虛證也此辨裡之虛實也

辨陽熱證○陽熱壯熱面唇赤古乾飲冷介尿紅煩躁皆狂謔失血紫黑焦枯不潤通凡痘屬陽熱者身必壯熱面唇皆赤舌上乾燥好飲

冷水介尿溺皆見紅色煩躁不寧神氣昏憤發狂謔失血者吐血衄血也紫黑焦枯者痘色紫黑焦枯也不潤通者九竅不潤通也此皆

屬陽熱之證也

辨陰寒證○陰寒無熱口鼻冷面唇尿介色白青厥冷難回利不臭水泡灰白無暈紅凡痘屬陰寒者身肢不熱口鼻皆冷面唇尿溺尿中

色現青白也厥冷難回者謂四肢厥冷不能即溫也利不臭者謂下利無臭穢也水泡濕盛也灰白無暈者謂痘色灰白根脚無紅暈也此皆

屬陰寒之證也

辨虛實寒熱誤治○溫補過則痘潰爛毒攻咽喉目腫癰清瀉過則痘白陷嘔吐不渴厥利清症有虛實治有補瀉要在審當而施也如虛

者當補亦須酌量施治若溫補過甚則反助毒熱而痘潰爛也以致毒熱上攻咽喉腫痛或牙銀發疳或眼目赤腫生翳甚而攻於榮衛發為

癰疽也如實者當瀉亦須中病即止若清瀉過甚則損傷正氣而痘白陷或嘔吐不渴或厥逆下利此皆發明溫補清瀉之過當也

稟賦順逆險○毒微氣血實則順毒甚而虛逆自明毒微若虛惡化險毒甚逢實變惡症由稟賦毒氣輕者固順然必兒之氣血不虛則

始為順也重者固逆亦必兒之氣血虛則始為逆也毒微者順也若兒之氣血虛弱雖順惡化險也毒甚者逆也若兒之氣血不虛雖逆能變